

INFURMAZIUNS E TERMINS

Chers genituors

Da temp in temp survegnan Els fögls cun infurmaziuns chi pertuochan l'andamaint da l'an scolastic. Cun quista charta comunicheins termins e datas chi'ns sun già cuntshaintas. Chosas inaspettedas, chi nu sun planisablas ouravaunt, daregia que adüna darcho. Nus ans permettains da decider cò e lo spontanamaing davart ün u l'oter evenimaint. In quels cas orientaronsa a temp ütil. Grazcha per Lur incletta !

Fotograf

Ziev'avair pruvo our l'an passo ün/a fotograf/a nouv/a, vains decis da turner quist an darcho tar la ditta antecessura. Il fotograf/la fotografa riva in scouline ed in scoula in mardi, ils 06-10-2020.

Absenzas cun pretaisa d'attestat da meidi

Per simplificher pel mumaint il process d'absenzas da scolars düraunt il temp da Covid-19, prolunginsa la düreda, chi pretenda ün attestat da meidi pels magisters da classa, da 4 dis sün 5 dis.

Collavuraziun traunter genituors e scoula

Üna buna collavuraziun ans facilitescha l'organisaziun e l'andamaint da la scoula ed evitescha melinclettas. La magistraglia Als es grata, scha:

- taluns d'annunzcha, cudaschins da daintist, ed oters documaints tuornan in scoula implieus our correctamaing e pel termin giavüscho.
- absenzas e jokers vegnan comunicheos pü bod pussibel a las personas pertuchedas (magisters da classa, ma eir structuradas, maisa da mezdi, magisters da religiun,...) Atenziun: Ün'absenza d'üna lecziun nu vela scu mez di da joker. Scha quistas absenzas as summeschan fin a trais lecziuns, alura vain que quinto scu ün mez di da joker. (Per plaschair ler zieva i'l cudaschin d'absenza.)
- las vias da comunicaziun vegnan resguardadas per contacts:
 1. Magisters
 2. Mnedra da scoula
 3. Cussagl da scoula

«Zappen & Gamen»

Broschüra d'infurmaziun per genituors in connex culla tematica da nos reglamaint da handys ed apparats electronics:

https://www.sucht-praevention.ch/cm_data/zappen_und_gamen_2016.pdf

Vacanzas cun Covid-19

Causa cha la situaziun as po müder fich svelt vulessans aunch'üna vouta render attent da S'infurmer bain ouravaunt ün viedi pussibel in ün pajais ester. Nus supplichains da resguarder las arcumandaziuns e prescripiuns in connex cun üna quarantena pussibla e d'aviser que a la mnedra da scoula aunz il cumanzamaint da scoula.

In seguit il link dal BAG cun tuot las infurmaziuns actuelas in connex cun viedis e quarantena:

<https://www.bag.admin.ch/bag/de/home/krankheiten/ausbrueche-epidemien-pandemien/aktuelle-ausbrueche-epidemien/novel-cov/empfehlungen-fuer-reisende.html>

Amiaivels salüds
i'l nom da la magistraglia
Vanessa Roost - Monatsberger